

## Leivõnu kūdras fabrikā

Leivõnu kūdras fabrikas strōd-  
nīki un administrācija beja īsa-  
slāguši socialistiskā sacenseibā ar  
nūteikumu vysōs nūzarēs pōrsnēgt  
agrōkōs dorba normas nu 5 — 10  
proc. Apzineigi strōdojūt un sov-  
starpejai sacenseibal izaveidojūt  
paradzāti 5—10% vysūs punktūs  
pōrsnāgti pat leidz 229%. Patlo-  
ban turpynojās pyrmsvētēšonu sa-  
censeiba. Lelōkō daļa strōdņiku  
klivūši par trīcīņņikim.

Fabrikā īsōkti kadru sagatavō-  
šonas kursī, kurūs pīsadola 50  
kursantu. Kursi sagatavoj trakto-  
ristus, pūru nūzarū vadeitōjus,  
dorba uzraugus, tehņikus, dorb-  
vežus, tabeļvežus, kantoristus, sa-

nitarus un guņsdzēsējus. Kursi sa-  
sadola vyspōrejā un praktiskā da-  
ļā.

Fabrikas strōdņikim ir sovs  
sorkonais styureits un ti izdūd  
sovu sinas avīzi.

Patloban fabrikā nūdarbynōti  
180 strōdņiku, kuri intensīvi strō-  
doj pī pakaišu kūdras īsaiņōšonas.  
Pakaišu kūdras pīprasejumi šūgod  
leli. Dažā dīnā pēc pakaišu kūd-  
ras sabrauc leidz 100 apkōrtejus  
īdzeivōtōju pajyugu. Pakaišu kūd-  
ras rezerves jau izsmaltas un tōs  
pasyutejumi vairumā pōrtraukti.  
Pakaišu un mašīnu kūdru var da-  
bōt tikai mozumā. Fabrikā vēj da-  
bojama calmu molka.